

胡麻曰黑白芝麻油所出也

蔬芥苳藤芹芥藍苕蒿君達雍一名苕菹俗名蕘香

薯種多茄芸臺蘿蔔笋菱笋蓴菌莞芡苦蕒

薑葱蒜薤薺芋韭當風豆種有數蕨石髮扶留

俗名菱與檳榔同類

瓜匏瓠俗名葫蘆有大小西甜秋王香水又名

冬土金木蒲達俗名苦瓜

花葵荼縻玉瑰素馨茉莉海棠薔薇蘭品多萱

菊品芙蓉木犀蝴蝶白鶴珊瑚石榴剪春羅

山茶蓮種多品近有並頭玉簪鷄冠夜合長春

玉綉毬豆蔻含咲鼓子鳳尾寒楊妃錦堂春

朱槿佛桑閨提鷹爪月桂紫薇玉芙蓉杜鵑

男症女症指甲玉蓮水甲花有五色

果橙柑桔檮俗作桃梅李柰梨棗栗柿菱藕

椽橘攬有烏黃蓮房牙蕉有青黃芭蕉荔枝品多圓

眼龍一名宜母子金彈人面五輦俗名羊桃金斗不

納甘蔗餘甘俗名油柑茨菰蘋漣石榴闍提蒲萄

楊梅山桔反眼檢羅望俗名李木五味與藥五味不同

藥 木香木鱉大楓本縣遠志蛤蚧斑猫乾薑

薄荷鹿茸白芨菖蒲乾葛山藥青蒿陳皮枳

殼芭豆益母草香附天門冬麥門冬金銀花

鹽布蛇咬取根葉搗酒服立愈草麻接骨草豆蔻苧根虎

根五倍海馬石蟹苦練良薑枸杞半夏黑牽

牛黃連紫蘇紫背款商陸大黃頭

竹 桃斑紫筋筋石單苦油方籬籠葱白眼孟

冬大頭青皮鷹爪鵝眼鶴膝雪

木 鐵梨一名石盤俗名格木此非本邑所產出廣西及羅定黃柞紫荆

水椰秋楓葵葉可製扇桃榔木棉黃楊烏柏相思

楠桂檀椽杉樟梓桑柳松栢水松赤梨黃桐

鴨脚青藍槁榕槐山蓼櫟黃膽石心鵝腎山

麻苦練牛耳聆羊角御柳碎柳桃花慘

羽 鶴鵲鷹鷄鷓鴣鶯燕鷗鳩鵝鷄鴨鶉鴿潮

鷄山鷄慈烏畫眉鷓鴣伯勞翡翠野鴨鷓鴣  
 鷓鴣鸚鵡烏鴉繡眼杜鵑羊角鷓鴣塘鵝白  
 頭鷓鴣麻雀蠟鵝木鷓

毛 馬牛羊猪犬貓虎豹豺狼獺鹿麋麀猴

狐狸猿鼠山猪箭猪竹鼯蝙蝠飛鼯

狙人獻猿于陶魯言樵于山見黃猿墮地  
 死一黑猿從之號鳴不已乃子母猿也取  
 歸投以果物皆不食益號鳴不已置其母

皮于前趨而抱之魯試之果如其言李承

箕作孝猿記

鱗

龍鱗鯉鯢鱖

俗名鮠鮠編鮫鯽鮒鱸蒲黃鱖

鱖鱖金赤斑鮎針沙蒼鯢蛤繡鱖鱖一名黃

花銀魚俗名鮓黃皮黃雀鳳尾錦繡鱖白赤頰

河豚金鼓荀殼沙鑽白頰青鮎白編腰帶鞋

底馬鮫牛尾鵝毛硬鱗藍刀黃鱖鱖多品蝦明

陳獻章著大頭蝦說曰客問鄉譏不能儉

以取貧者曰大頭蝦父兄憂子弟之奢靡而戒之亦曰大頭蝦何謂也予告之曰蝦有挺鬚瞪目首大于身集數百尾烹之而未能供一啜之美者名曰大頭蝦其美不足豐平外餒乎中如人之不務實者然鄉人借是以明譏戒義取此歟言雖鄙俗名理甚當然余觀今之取貧者亦非一端或原于博塞或起于鬪訟或荒于沉酒或奪于異好與大頭蝦皆足以致貧然考其用心與其行事之善惡而科其罪之輕重大頭蝦宜從末減譏取貧者反舍彼摘此何耶恒人之情刑之則懼不近刑則忽博塞鬪訟禁在法典沉酒異好則人之性有嗜不嗜者不可一槩論也大頭蝦之患在于輕財而忘分才子弟類有之蓋其才高意廣耻居人下而雅不勝俗專事已勝則自

畋獵馳騁賓客支酬輿馬服食之用侈為  
美觀以取快于目前而不知窮之在是也  
如是致貧亦十四五孔子所謂難乎有恒  
者是也以為不近刑而忽之故譏其不能  
自反以進于禮義教誨之道也孳孳于貧  
富之消長錙銖較之而病其不能者曰大  
頭蝦大頭蝦此田野細民過于為吝而以  
已繩人之驕非大人之治人也夫人之生

陰陽具焉陽有餘而陰不足有餘生驕不  
足生吝受氣之始偏則為害有生之後習  
氣乘之驕益驕吝益吝驕固可罪吝亦可  
鄙驕與吝一也不驕不吝其庶矣乎

甲 龜鼈鼉鱉蟹蚌蜆蠓蝓蚌螳蟻蝻紅螺螳螂

沙螺獨厓蠓

晒一可壯其肉可熟啖以鹽醃

蟲品 螳蟻螺贏螟蛉螳螂夏蟬秋蟬蜘蛛螞蟥子

鼓子蟲禾蟲秋仲季朔望乘潮出于田民

新會縣志 卷之二  
以食可以資貧者

蜂多蜜有山蜜有人家養者

李承箕曰蜂蜜積之繁衍而分封也有古封建之象焉今日統于王以別處無一叛亂焉明日統于王以別處無一叛王死衆相守以饑死于故封卒無一叛焉其一二往來誤而之他亦無所苟容此人道之所難能也當其初分時隨風漫散而

上下人揮水呼之輒止王出則衆分兩翼以待之羈留其王衆隨來治臺以居王于上以次爲脾以處其衆則別採花芬負于背掠岩谷冒風雨朝夕不闕又降一階爲脾則所謂奴者處之奴色黑而頑懶于供職而銳于竊食處之于下盖宜也侍坐于白沙貞節堂聞此蜂之聲因道其事石翁謂嘗有詩云萬古西山朽骨叢中有魂魄

化為蜂餓死空巢不飛去猶為君王守故  
封承箕退而記之

新會縣志卷之二

風俗紀

家知讀書尚禮仕者以恬退為樂競進為耻小

民力穡畏至縣好勝者健于訟破家不悔

富者田連阡陌貧者地無卓錫奢者千金立費

儉者一毛不拔

競節物信鬼神婦女巫惑不惜簪珥

正嘉以前仕之空囊而歸者閭里相慰勞嘖嘖

臺灣國家圖書館, NATIONAL CENTRAL LIBRARY, TAIWAN. R.O.C.

高之反是則不相過嘉隆以後仕之歸也不  
問人品第問懷金多寡爲重輕相與姍咲爲  
痴物者必其清白無長物者也於此見今昔  
風俗之高下

嘉靖間荒饑百姓思亂攝縣汪應奎諭之曰饑  
死事小斫首事大即莫敢肆以俟調賙萬曆  
間少遇荒饑惡少輒號衆拆屋搶穀掠物兇  
逾寇至畏之白刃且不可止脫有外寇若將  
內應蓋法弛有自而釀之者過也

閭門間翁婦嫂叔不相見奚啻授受不親雍睦  
者視兄弟子若已子衣服飲食相一體否者  
同胞骨肉訐訟如讐無過從者

曩歲父子訟而令抑其父是爲人上者  
不知春秋故民不知有親風行草偃非謬言  
也

颶風自五月迄九月將發則蒸以紅雲兆以青



氛潮汐沸熱鷄犬驚惶舟居者察候預泊及  
發則自東而北而西而南山川沸號林宇翻  
拔或因而資旱掃蝗苗以之生或因而摧禾  
偃稼歲以之荒曰颶懼也言可懼也又曰颶  
具也四方之風具也或間歲寂無或一歲數  
發冬候朔風大號即大寒小號即小寒微有  
霜露絕無霰雪或天霽風烈水面薄冰相持  
玩弄傳目為雪尋常老人衣無夾纊長至梅

開欲了桃李駢繁一似洛陽二三月獨氣性  
好冷地煖開遲重陽尚鮮僅先梅旬耳

海民智以譎賢者通疏而尚禮枕山民愚以  
野賢者儉約而尚信

東方士逢衣華冠雅習自然西方士儀度詞槩  
樸易不彫

昔云城中尚雜劇今而鄉則盛矣鄉俗好市飲  
今而城則有之或糾演大場鳩聚浪博明設

酒肆鴈集治遊窮之困而盜之竇也今日始  
嚴爲之禁

昔  
語音清濁易地不同至若哦詩調逾絲竹白沙  
陳子講學暇每令弟子哦其詩人人感動洒  
樂便有舞雩詠歸之趣時謂粵吟巡撫朱英  
聞而喜効之曰吳楚不及也給諫許子偉住  
白沙碧玉樓數日語淳曰我輩此會已屏俗  
樂偉令家僮哦先生詩數章甚有意趣蓋瓊

調也淳亦令家僮哦數章許喜曰曾聞粵哦  
始得聞之遂各歡極而談學

士戴玉臺巾陳子所製者近叅以唐帽即醫卜  
胥然婦女髻服隨時而易惟務女紅謹容止  
稍羸之家不出閨門無間晴雨男婦躡木屐  
陳子詩江村婦女蕉衫窄里巷兒童木屐輕  
蓋實紀云

元旦交相賀祀以齋元宵燈燭簫鼓徹夜爲樂

有儼戲二月上巳頗修禊十五鄉落祈穀于社清明事墓祭小家婦女則往端午早飲蒲艾酒餐角黍午後看競渡舟楫橫江鼓樂喧天七月十四以前各祀先燒絺衣中秋具羊饌賞月重陽泛菊飲萸童子放鳶玉臺如市長至煮團爐以祀東坡所云骨董羹也臘月二十四夜祀竈除夕遍祀諸神燭光爆聲徹曉家長幼多懽集守歲

後賊惑于堪輿故棺彌壆及停塵諸家者尤多貧則聊具薄水以遲柴焚或焚不即瘞視郊窰間木斲礪裂橫骼散暴莫認阿誰至若風水吞侵之雄詭筭百生智者臨之猶難于詰古云陰地陰功互相徵施乃欲以陰謀欺教人之陰地如彼所得縱吉亦凶久停家壆及焚棺一節法當嚴禁且無主枯骨使近而好義者各相率設塚瘞之亦挽回宇宙和氣之

新會縣志  
卷之二  
首務仁有司將無加之意乎近進士倫肇脩  
制歸謀之熊知縣維鏗熊知縣乃捐俸金相  
地演武亭左大收暴棺殘骼凡縉紳士夫亦  
莫不助之金舉禮部儒士張初綱董而葬之  
復置義產每于年終如前收瘞淳先則見白  
蓮池邊山地暴骸數十亦亟出金買地具棺  
殮葬于隆興觀山之右豎塋其上爲文以祭焉

新會縣志卷之二

禮教

古之學校春秋教以禮樂冬夏教以詩書取  
士論政皆在是焉今則所尚者科第之文而  
已夫士也而惟知有科第之文安以士爲哉  
程子曰古之成材也易今之成材也難知其  
難即應反其所尚是故敦倫正俗惟禮爲大  
冠婚喪祭四者又禮之大節也新會冠禮廢

弛祭則隨家厚薄有祠堂則行春秋之祭婚  
禮無問貧富皆行聘皆行親迎疾病少事醫  
藥有事則祈籤問卜喪葬多信風水間有火  
葬其善者先王之澤也其不善者教化不明  
之故也成化中知縣丁積與白沙陳獻章酌  
為禮式而揭示之分巡陶魯提學趙瑤皆有  
文移舉行曰近年民偽日滋禮教寢壞以新  
會觀之品節不修上下無別大則害義小則  
傷財害義者無分傷財者致窘無分則僭亂  
作而名器輕致窘則恩愛衰而盜賊生此而  
不禁誰之咎也今遵

高皇帝禮制及朱子家禮脩舉而正之若冠禮  
祭禮則但舉其廢墜而已至于婚嫁論財費  
用不經侈服無度喪葬飲酒焚屍凡此皆宜  
速改今以人戶田產厚薄別為三等凡田十  
頃以上者為上戶五頃至九頃者為中戶一

頃至四頃者爲下戶商賈之家較其所積多寡準是爲差無財產者通爲一等隨其厚薄定爲婚禮等品節俾各遵守每都推擇老成者數人主之選其尤老成者四人爲四鄉之長小大相承綱紀不紊將行禮者先赴其都老議之其不率教者都老言于鄉老召諭之諭之不從度其害義甚者上其名于官依法懲之鄉老能宣布教條導民于禮者縣優待

之民有犯違責在都老都老有違責在鄉老容情不舉許所在生員群糾之縣懲其怠如此則禮教行而風俗厚矣

冠禮之條二曰冠禮士人家行之不分上中下戶惟衣服美惡酒食享客豐儉隨宜下不可越中中不可越上曰各鄉有好禮之士鄉老于月朔以其子弟之始冠者見邑長待之誨以成人之道

婚禮之條一十五曰婚禮古有問名納采納吉  
 納徵請期親迎六節今隨俗省畧曰男女婚  
 嫁以時男子未及十六女子未及十四成婚  
 者謂之先時男子二十五以上女子二十以  
 上未成婚者謂之過時先時者夭過時者病  
 皆不能順陰陽交際以保合太和也鄉老時  
 省而諭之曰納采用酒牲擯榔菓品隨俗上  
 戶通計所費銀不過三兩中戶所費銀不過

二兩下戶所費銀不過一兩曰納徵用金幣

羊酒擯榔菓上戶通計所費不過十五兩中戶

所費不過十兩下戶所費不過五兩曰請期

不分上中下戶惟遣人通書而已禮物不用

曰親迎不許用鼓吹雜劇迎送交餽曰納采

納徵請期具書如女氏女氏復書禮也鄉俗

疊用三緘于親迎之日貯之銀筒以往鄙俚

之甚今悉依家禮改正曰壻至奠鴈畢主人

酌之酒而勞之幣此鄉俗之謬宜去之曰鄉俗納聘女氏復以帛名曰回盤今不用曰女子首飾衣裳隨俗但不許用違禁之物上戶通計所費銀二十兩資裝器物之費半之中戶所費不過十兩資裝器物之費半之下戶所費不過五兩資裝器物之費半之上戶女從者一人中戶下戶或用一人無者不強曰家禮婦見舅姑用幣餘皆不用明義分也鄉

俗見諸親有帛婦不見外姓別男女也鄉俗例見鄉黨畧無分別今悉正之親迎後三日七日及遇俗節女氏使人于壻家用米飯麵食鄉俗皆謂之點心今不用惟用茶果可也凡此所以搏節財用勿爲無益之費以自取窘匱曰鄉俗僭用珠冠命服金銀酒器者有罪曰賀婚非禮也今更賀爲助禮物隨宜曰三等之下聘用酒一埕鵝一隻冬布二疋茶



一盒婦荆釵布裙見舅姑而已貧不能具者  
都老率問里科少錢助之勿令失時曰媒妁  
爲人議婚須通達兩家之情待其許諾毋得  
饒舌欺誑但求成事以貽他日之悔事發罪  
在媒妁

喪禮之條七曰居喪以哀戚襄事爲主不許匿  
喪成婚吊賓至不許用幣不許設酒食亦不  
許易凶爲吉赴他人酒席鄉有旬七會客有

山頭等酒會客此最害義犯者不恕曰鄉俗  
赴奠不用香茶燭酒果而代以楮幣此惑於  
浮屠之教不用可也曰停柩踰時不葬者罪  
之曰用鼓吹雜劇送殯者罪之曰吊賓自遠  
至者老者爲具素食餘不用曰壻女及親戚  
爲奠許用一豕上戶所費銀不過三兩中戶  
所費不過二兩下戶所費不過一兩不能則  
炙鷄絮酒盡哀亦可屠牛宰馬是僭也犯者

糾罪曰三等之下葬用薄棺不許焚屍貧不能葬者都老率閭里科少錢助之毋令暴露祭禮之條二曰祭禮所以報本追遠不可不重邇士人之家多不行四時之祭惟于忌日設祭前期不齋臨祭無儀品祭畢請客飲酒皆非禮也今悉依朱子家禮正之上戶立祠不能祠者亦就正寢設韜櫝奉祀歲時朔望如禮時祭畢歸胙于都老

論之條七曰諸禮有官爵者宜遵洪武禮制不在此例曰鄉老都老既爲衆所推舉先須以禮自整頓已身使化行一家以爲衆所取法鄉老出入于鄉都老出入于都道路見者拱立避路致敬毋得狎侮凌犯違者治罪曰月朔鄉老率都老盛服以次赴縣縣主賜坐啜茶問各鄉風俗美惡禮教行否勸懲加焉曰各鄉有好爲異論鼓衆非毀禮義不率教

之人鄉老訪實以姓名陳于縣懲治曰鄉俗子弟多不守常業惟事戲劇度日以此喪良心日就放蕩或興鬪訟或事賭博以此犯刑憲而喪家產者徃徃有之甚可惜也古者四民各專一業今不分上中下户子弟須令有業非士則農勿事戲劇違者鄉老糾之曰上中下户有衣冠之族者平居出入閭里必整頓衣冠鞋襪不可競爲詭異之服以變亂古常曰鄉俗爲酒會雖曉古人所謂會數而禮勤物薄而情厚之義殺饕之設不得過侈飲酒不得至亂酗而成訟者罰及其主

右四禮品節事宜大意欲興廢典以淑人心去俗弊以防遠患其事在于崇本質抑浮華革僭亂明義分防人欲存孝敬而已其後都老馬廣力能舉行變其鄉俗丁知縣進諸堂帥鄉老以下拜之自是人皆激

勵一年之後風俗漸正獄訟日少庠序之士益知趨向編氓雖在僻壤亦嚮慕禮義皆丁知縣一變之力也

新會縣誌卷之二

輿地畧下

附郭坊三曰宣化曰源清曰禮義舊誌曰宣化在縣前源清在縣南禮義在縣西

按舊城全屬宣化東而關內又東南而募前而大悅濬皆為宣化止曰縣前非也繇舊城西門直抵而象山外之油步涌東轉而泗涌而田流濬而東西二甲村皆為源清止曰縣

南非也繇油步涌直抵而大雲山東轉而流  
杯村而熊子田中皆爲禮義獨曰縣西非也  
蓋源必清而後化宣化宣而後禮義興禮義  
興則盜息而民安矣古人立名將無謂乎是  
在良有司加之意耳

鄉四曰崑崙曰常德曰壽寧曰龍溪崑崙舊名  
童陽常德舊名常樂壽寧舊名永寧龍溪舊  
名童溪崑崙鄉在縣西五里北距分水岡南

盡梁金山之陽都六曰懷仁曰新化曰遵名  
曰石碑曰古博曰登名常德鄉在縣西南九  
十里西距羅漢山南距長沙海都三曰平康  
曰得行曰文章壽寧鄉在縣南五十里東北  
距鱷洲南至于厓山都三曰潮陽曰潮居曰  
龍水龍溪鄉在縣東三十里西北距圭峯之  
南東跨橫江盡于外海都四曰歸德曰華寧  
曰中樂曰古勞

宣化坊二里源清坊三里禮義坊三里城內之街曰文學者二一在學前一在學西循遠文溪曰金紫曰東門曰南門曰西門曰北門曰倉前城外之街曰南門直街西門直街古八角亭街曰十字新民街分爲東隅西隅南隅北隅舊爲湖田成化十年僉事陶魯填砌區畫成之今舖舍輻湊墟市喧集曰騎虎廟街曰寺前街曰濠橋街曰募前街巷曰花園曰顏屋曰草鞋曰土地曰五顯曰第一曰第一

曰蝨巷曰倉步曰容屋曰爵芳曰中浦曰油步曰龍眼今已築塞者曰鐵爐餘小者不盡錄

懷仁都二里甲一曰小市其村落曰大塹曰細塹曰新魁濬曰沙頭曰黃涌曰小市曰分水岡曰小梅曰蓮塘曰小澤

新化都四里甲一曰武村其村落曰來蘇曰潮

新會縣志 卷之二  
透曰那澤曰橋亭曰大澤

遵名都四里甲二曰程村曰何村其村落曰何  
村曰大坪曰程村曰三水曰沙涌曰張村  
石碑都五里甲四曰梧村曰談雅曰聯  
下其村落曰梧村曰談雅曰天等曰雲步曰  
海濬曰橋下曰水坑邊曰雲峽

古博都十里甲十曰崦峒曰潘村曰蓮塘曰塘  
平曰水口曰羅村曰麥村曰大湖塘曰太平

田黎村其村落曰潘村曰麥村曰橋下曰水  
口曰締山曰陵村曰蓮塘曰羅村

登名都九里甲五曰龍津曰蘄竹曰黃涌曰寺  
前曰土坡其村落曰古州曰沙岡曰蘄竹曰  
龍塘曰社下曰羅圍曰橫岡曰西溪曰謝邊  
曰寺田曰龍尾曰下濬曰曾邊曰釋偈曰黃  
邊曰那竹曰黃涌曰新田曰石橋曰龍灣曰  
神涌曰鄧邊曰許涌

平康都十五里甲六曰儒林曰樓岡曰茅岡曰  
塘浪曰那洋曰濠頭其村落曰長沙曰海心  
曰波羅曰樓岡曰溝頭曰冲翼曰鹿洞曰獨  
岡曰長沙塘曰幕村曰倉頭曰倉前曰盤冲  
曰塘浪曰臺洞曰新塘曰譚邊院曰龍蟠水  
邊曰船步李村

得行都三里甲三曰覘岡曰羊路曰北炎其村  
落曰儒林曰大岳

文章都三里甲一曰水東其村落曰南莊曰水  
東曰榜涌曰長寧曰通坑

潮陽都七里甲二曰大報曰大渡其村落曰文  
村曰陳涌曰沙塘曰大渡曰分界曰冲花曰  
橋頭曰塘尾曰沙岡曰硬步

潮居都十三里甲四曰冲茶曰天臺曰淡水曰  
北到其村落曰小岡曰天臺曰盤溪曰天頭  
曰潭江曰水邊曰小渡曰冲茶曰超群曰齋



堂曰冲色曰官涌曰奇石曰古井曰竹園灣  
曰那服曰梅角曰仕路曰龍城曰前頭曰區  
村曰嶺背曰平步

瀧水都九里甲五曰沙富曰仙峒曰橫水曰塘  
河曰古隆其村落曰凌涌曰麝山曰塘河曰  
龍頭曰沙富曰仙峒曰平岡曰沙崩曰逕背  
曰黃涌曰田整

德都九里甲三曰東坑曰白石曰麻園其村  
落曰趙村曰都會曰奇榜曰白沙曰江門曰  
外海曰麻園曰北街曰白石曰濠頭

華寧都八里甲三曰潮連曰良村曰河塘其村  
落曰河塘曰良村曰蟠步曰高邊曰山塘曰  
三丫曰小橋曰潮連曰塔岡曰大燾曰深涌  
曰豐禾曰濱江

中樂都十三里甲七曰新村曰山奇曰石頭曰  
橫江曰天河曰塘下曰松園下曰小橋其村

落曰篁庄曰橫江曰天河曰篁朗曰李村曰  
小橋曰大坑曰李步

古勞都十六里甲七曰中峒曰陳仙曰坡亭曰  
玉橋曰馬岡曰古蠶曰祿峒其村落曰坡亭  
曰古勞曰祿峒曰牛輓曰越塘曰流涌曰橋  
頭曰古蚕曰沙坪頭曰逕口

新會縣志卷之二

公署

縣署隋開皇十年建歷代因之元末燬洪武二  
年知縣吳拳建十四年主簿蔡貴中重修宣  
德四年知縣陳希律重建深七十二丈廣四  
十六丈正堂三間後堂三間東吏禮戶房三  
間西兵刑工房三間庫房三間儀門三間譙  
門三間幕廳三間堂後為正衙堂東為東衙

堂西爲西衙儀門左爲典史衙吏舍十六間  
獄房二十間天順間縣丞陶魯修加譙門上  
鼓樓弘治十七年知縣羅僑易譙門以石嘉  
靖三十四年知縣熊坦建庫樓樓左建官衙  
有池萬曆二十九年知縣周思稷謂譙門蹠  
血冤魂夜號不一新之仁人弗忍乃盡易拱  
石爲文告城隍而祭焉

察院行署在縣治東正統元年建深二十四丈  
廣十丈正堂五間後堂五間穿堂三架東西  
兩廊十四間儀門五間大門一間署後有池  
嘉靖二十六年知縣王交于大門外建坊曰  
嶺海紀綱萬曆二十九年重修至三十五年  
知縣王命璿重修

紫薇行署在縣治東察院前正統七年建深一  
十二丈廣七丈正堂後堂左右司房儀門三  
門外門俱備今廢以治西府館爲守道署萬

曆三十五年重修

兵備道在縣治西嘉靖八年建深三十丈廣二十四丈正堂五間後堂五間穿堂三間東西廊十二間儀門五間外門五間私衙正堂五間後堂五間廚房四間東西廊八間東西伺官亭十二間後有山有池有亭可以適志可以眺遠萬曆三十四年三十九年重修

府館在縣治西正統三年建深一十二丈廣五

丈正堂三間後堂三間儀門三間東西兩廊六間嘉靖二十六年王交以城隍廟後地建後堂三間後東西兩廊二間前東西兩廊二間今改為守道署萬曆三十五年重修

學署在縣治東北宣化坊宋慶曆四年設元因之至正末燬 明洪武三年知縣吳拳署

學事儒士吳汝梅仍舊趾初建宣德八年知縣林廷芳重修正統二年提學彭璠重修天

順二年知縣陶魯重修弘治十二年知縣羅  
僑重修正德八年知縣徐乾修嘉靖元年兵  
備莫相修嗣後歷年修整并祭先師釋奠禮  
俱詳載之學校中

守禦千戶所在縣左原屬肇慶府衛今直隸廣  
東都司建立與城池同千戶田清督造深三  
十五丈四尺廣一十二丈二尺正堂五間後  
堂五間穿堂三間東西百戶所十間吏房三

間貯軍器庫房兩間儀門五間譙門三間吏  
目廳三間鎮撫司三間中有魚池洪武三十  
三年千戶宋斌成化二年千戶孫成俱重修  
嘉靖五年六年千戶孫敏重修萬曆間千戶  
陳宗智屢修

屯田百戶所七曰龍溪在縣東曰官涌在潮居  
都曰那泥在古博都曰沙岡曰江門曰小乾  
俱在歸德都曰古鎮在香山小欖都遙屬本邑

巡司七

潮連巡檢司在華萼都深二十八丈廣二十丈  
正堂三間後堂三間吏舍三間監房兩間舊  
名寨洪武二年改巡檢司十四年巡檢胡毅  
創建

藥逕巡檢司原在皂帽藥逕口洪武四年賊張  
日并燒燬是年巡檢顏宗明徙于坡亭村深  
一十五丈廣一十丈正堂三間吏舍三間監

房一間俱全儀門鼓樓廢

牛肚灣巡檢司在遵名都深一十五丈廣一十  
丈原在海濱以水患移之洪武二年巡檢白  
德創建今俱頽廢

大瓦巡檢司在中樂都深六丈三尺廣一十  
丈洪武四年寇毀十年重建弘治十五年巡  
撫劉大夏徙建鳶臺村今頽廢

沙岡巡檢司在平康都舊名樂里寨在余村洪

武二十年都指揮花茂徙于登名都沙岡村  
創建深二十五丈廣二十丈後復徙于平康  
都長沙村

沙村巡檢司在潮居都舊在厓山洪武三年徙  
于長珠大神岡巡檢范得成建七年又徙仙  
峒巡檢崔克忠建二十七年都指揮花茂徙  
厓山之長沙弘治間復于厓山深二十五丈  
廣二十四丈

松栢堡巡檢司在平康都松栢山下嘉靖二十  
二年加置松栢堡巡檢不常頽廢日久萬曆  
四十一年巡檢沈問之重修深一十六丈廣  
六丈

按巡檢司之設各有分土所以防寇而衛  
民今諸司久廢乃各僦居城中求聽差委  
而已於所司地方理亂寂不相關

朝廷設官初意應不如是

臺灣國家圖書館, NATIONAL CENTRAL LIBRARY, TAIPEI, R.O.C.

陰陽學在禮義坊洪武十八年訓術呂金旺建  
久廢

醫學在源清坊洪武十八年訓科黃孟英建後  
改遷縣治西府館前今堂宇廢地址易爲民  
居

僧會司在龍興寺洪武十六年僧會觀壽建天  
順七年重建萬曆二十一年僧性明重建  
道會司在隆興觀洪武十六年道會陳明祖建

永樂元年重建萬曆二十二年僧三乘重建

河泊所在宣化坊深一十六丈廣 丈正堂

三間東西廊六間門樓一間洪武十四年大  
使喬務建魚課米三千二百五十二石四斗  
二升今廢

東亭驛在源清坊深一十七丈廣一十三丈正  
堂五間後堂五間穿堂三架門樓一所舊在  
宣化坊莫前成化十七年副使陶魯徙建今



新會縣志 卷之二  
所

李承箕記新會舊有賓館名東亭而禮賓之具則遙領于縣官成化己亥憲司陶公爲副時相其事宜欲遷館于邑南水涯以便往來詢之于民民以爲宜公曰事不難于改作而難于宜民吾今而惟民之從矣于是請官于朝驛曰東亭仍舊名也其堂室門廡內外之制與小邦君等蓋

王命之所必由非徒視觀美而已予家驛籍向之用役悉本于賦用物悉出于公帑而吾民不與焉今也不然具于官者皆取于民致虔于賓客者皆費于私怒馬飛帆往來如織先其用于人而後其賦于已者亦既多矣由是觀之則四方輻輳之衝其所用豈啻十倍于此而已驛公府之小者也小者如此大者其何如哉譬之人家其輿

馬僕從融融然有腴美富麗之氣翩翩然  
有奮張傲狠之習則其主者可知矣夫公  
府大小雖不同皆所以爲民非徒以厲民  
而自養也外物不足以累其心沛然行其  
所無事如規矩權度然隨其來而應之雖  
萬變亦可也吾何與焉以此持已以此爲  
人以此事君以此治民其方不外是已夫  
何有于內外大小之別也哉予來白沙公  
屬記之於乎天下之心一也豈無能廣予  
意者乎弘治癸丑記

按東亭驛後以羅旁平移驛丞于覲岡驛  
丞廢鏡心亭亦以風雨廢

王命之臨及使客監司來逞不過破堂一區  
而已所宜并亭修復而驛丞亦似不可缺  
也萬曆四十年驛亭俱修復

覲岡驛在得行都深一十五丈廣八丈正堂三

新會縣志 卷之三  
間後堂三間穿堂三架東西兩廊二十間譙樓一間洪武十四年開設正統元年重建萬曆三十四年重修

急遞舖十二曰總舖在縣門右南向深六丈廣五丈六尺一座三間其久廢者曰圭峯曰大園俱在縣北歸德都相去各十里曰橫槎曰潮現曰古蚕曰坡亭俱在縣北古勞都相去各十里以達于南海省城曰蓮塘懷仁都曰

橋亭新化都曰草坪遵名都曰蜆岡曰官來得行都俱在縣西相去各十里以達于蜆岡恩平

倉在縣治後南向深二十五丈五尺廣

丈前一座豐積倉正廳三間東西倉廩六間以貯實徵糧米後一座預備倉倉廩二間貯贓罰穀以備賑濟正統五年建四倉于四鄰貯穀以備荒歉十四年寇廢嘉靖十一年知

縣張文鳳修復撥寺田若干頃以備荒歉詳  
食貨畧萬曆二十九年知縣周思稷重修萬  
曆三十七年知縣王命璿以其餘地建見龍  
樓爲五經會館日課諸士亦爲縣治屏幃云  
旌善亭在縣門左深九丈五尺廣二丈六尺一  
座三間久廢嘉靖六年知縣周延重建萬曆  
三十三年重修

申明亭二其一在縣門右深五丈六尺廣四丈  
一座三間兩廊四間天順間建知縣丁積重修  
壁間刊四禮條款今存一在江門市知縣丁  
積建今廢地基尚存深玖丈叁尺廣柒丈二尺  
按廢基民有侵訟者嘉靖三十五年知縣  
熊坦委官量實深玖丈叁尺前截廣肆丈  
柒尺後截廣五丈五尺萬曆二十九年重修  
養濟院舊在城北遷于懷仁都深二十五丈廣  
六丈正廳三間門樓一間房屋四十二間嘉

靖九年正月建此即舊誌孤老院也又貧子院舊近養濟後以癩兒出劫乃焚其院遷城西郭下而城西之水繇西池而南繇南池而東幾經一邑澣沐者衆大雨時至穢濯流注民或染其疾僉云使癩兒搃上游以貽患于衆作備者之過也尚當議遷云

漏澤園缺惠民藥局缺

其馬司四門俱有惟城西久廢嘉靖九年千戶

孫敏重建

教場原在西郭外故址尚存後徙縣北城外直七十五丈橫一十八丈演武亭一座三間嘉靖三十五年僉事林璧增一座三間東西廊兩間外屏牆一幅說者謂直當邑玄武每射向城中時時鼓譟似未得其所云千戶吳繼爵集民于左地建有廟宇演武宦軍寒暑得假息焉

營十三曰冷水逕在古博都路通新興恩平陽  
春爲要害之處曰良村在遵名都立自陶魯  
禦西寇時久廢嘉靖三年兵備副使孫懋復  
立曰覘岡在覘岡驛曰赤水曰蟻坪在平康  
都賊由此出入嘉靖三年孫懋立民甚賴之  
今廢曰五坑逕在登名都自陶魯禦西寇時  
立爲大營使之東攝良村等營西控附近嶺  
西等地方久廢嘉靖二十六年賊每由此屯

劄御史楊以誠會議謂此地前近新寧後出  
嶺西最爲巖險乃再立營撥兵二十五名守  
之地險兵少舍營僦民村以居後各兵逃散  
遂廢曰鬼子窟在登名都兵舍營村居廢曰  
臨江臺曰松栢堡俱嘉靖二十二年知縣何  
廷仁設立曰長沙塘在平康都曰分水岡縣  
西五里曰白墳皂幕山下曰白石水縣西六  
十五里自後沿革不常萬曆二十九年海寇

倡獫知縣周思稷議撥岸兵海上亦一時權  
宜之術今山寇海寇時各竊發久于偏廢恐  
未可近江門呈立二營撥兵分守地方獲安  
烽堠十一回企人曰月嶺曰江門曰分水江曰  
大澤曰牛肚灣曰仙峒曰黃涌曰三江曰聯  
臺曰赤眼涌

烽堠之設郡邑不廢近如新會極似虛文  
信不在烽軍不至堠惟有守堠之名而已

把截所二曰水口曰崖門舊志把截所有八曰  
長沙在縣南海旁曰企官在縣西南旁曰雙  
烟墪在縣西南潭滘口曰潭滘東口曰仰船  
岡在縣東南三瀝沙海曰企頭在縣西南大  
海旁曰橫山在縣西南海旁曰寨門在縣西  
海旁今多廢而不守太平無事則可脫當擾  
攘茲為巖邑把截要害胡可廢也

守禦所官吏一十八員旗軍五百九十六名守

城二百名備倭哨一百四十九名寔草二十  
五名局匠二十二名寔匠十四名巡捕哨二  
十名軍門兩哨班軍九十九名總兵府聽用  
一名吹鼓手八名收屯糧九名軍伴三十六  
名守關王廟一名守旗纛廟一名銃手二名  
守教場二名守兵巡衙門一名辦料解府一  
名守所一名幼軍四名

保甲本明道程子為晉城令時保伍也其法量

鄉里遠近為保伍使之力役相助患難相恤  
奸偽無所容孤老疾者責親黨使無失所  
行旅出于其途者疾病皆有所養及王安石  
行保甲法則督民操練使自備衣甲器械天  
下始騷然矣獨邑有周諤得不困嘉靖中都  
御史王守仁立十家牌各開十戶男子年十  
六以上者姓名籍貫而懸之使每甲各自糾  
察凡平日習為奸盜及窩通賊黨者同甲首



報在官許其改過自新但有盜警一家擊鼓各家齊出截捕甲內之人不得容留盜賊右甲如此左甲復如此城郭鄉村無不如此則盜賊何自而生仍推選才行爲衆所信服者一人以爲保長專一防禦盜賊不許因而武斷鄉曲但遇盜警統率各甲追之今擬四鄉各立鄉老一人以爲保長行鄉約則爲約正每月朔望會衆于社學序齒坐焉立彰善糾

過二簿互相規戒社學之左爲里社其後爲社倉不必芻厰雖竹園亦可有過者罰入其穀以備賑濟春祈秋報則祀社而飲前爲學堂集童生常日誦讀朔望則習行四禮有面目生疎之人踪跡可疑之事及違鄉約不聽勸諭者即行報官究治約以綜一鄉之政事學以司一鄉之教事倉以司一鄉之養事社以司一鄉之祀事保甲以司一鄉之戎事其

新會縣志 卷之二  
所約大率如明道之法聽鄉老與民自行縣  
官不必稽考點閘待有成效縣官備禮親造  
其廬重加獎勵知縣徐乾嘗行之邑民稱便  
民壯即古力役之征自洪武至天順初原無此  
役天順七年始定六十名分作上下兩班撥  
往梧州把港每班三十名一班在官一班歸  
農皆各里輪派甲首當之不願當者上下兩  
班共貼錢三貫六百文雇人代當自成化初

兵部定議本縣依舊編取六十名守城池或  
撥調捕盜弘治正德間乃通縣編之與原法  
不同每米六十石編一名用有人二丁者准  
米一石九单丁無米者逃亡死絕者免補貼  
既定僉丁產多者為長兵之工食皆責為長  
者徧征貼戶給與之每年銀七兩二錢復有  
盈甲銀八錢間有不足皆為長者賧之嘉靖  
十三年知縣陳豪再將米五十石編一名二

十三年知縣何廷仁編依舊額三十六年知縣王交華爲長者例責里長排年將各民壯隨米編定每米壹石取銀壹錢伍分盈甲銀另行徵收總納到官從官給兵領之賦役繁重辦納不前于是鞭朴日繁公私皆多事矣嘉靖三十二年冬司府議復舊制編取有田力者仍舊充爲民壯長又加編三百名就米損益賦多者四十餘石編一名少者二十餘

石編一名兵數愈多民之賦役愈重蓋自金事杜聰臨縣調征山海諸盜權令本縣里排每戶出銀一兩募夫三百名聽調議在歲終事畢即革知縣余恩因各總甲呈乞遂添編入民壯冊中杜聰如議行弗革而民益病矣嗟夫多兵之國其盜亦多今茲打手民壯或罷戰歸家或操點汰黜即羣呼爲盜前歲出海諸寇可監也欲爲新會善後計宜于此輩

善裁抑之今見八百三十四名或守城或守庫或隨捕及守各關閘營堡撥調無常額

按自民壯設軍士日驕養不復任征戰寇盜幸寄踪于內多為犄角今海上哨兵恣黨益甚取盜之得十于三兩相透結盜行不疑兵復為躄此外哨官又與哨兵捉海上生理民及蛋民頗贏裕者繫舟中誣索之得即放不得即乘別盜事叅解之往往庾死獄中妻子離散干戾和氣莫此為大知縣王命璿嚴禁之火戢

宋 王命嚴禁之火湖  
更不許中妻于聯婿于突呼麻莫北為大

透結盜行  
兵提海

新會縣誌卷之二

秩官表上

宋

新會太守

馮業龍城人封懷化侯改羅州刺史

趙超民昇平中任

知縣

陳世安祥符人

臺灣國家圖書館, NATIONAL CENTRAL LIBRARY, TAIWAN, R.O.C.

翁 緯 莆田人進士

陶節夫見名宦

周 諤 見名宦

鄧 棨 迪功郎韶州人

吳懿德嘉定中任見名宦

蔣 宜 開熙三年任

曾逢龍咸淳末任見名宦

謝觀國閩人進士

陳世安翁緯蔣宜謝觀國舊誌缺今據通誌  
及橋記補之

元

黃 昭 至正中任見名宦

沈 壽 至正末任

明

吳 拳 洪武二年任卒于官葬黃雲山後見

名宦

謝景暘 洪武七年任 見名宦

趙禎 直隸溧水人

陳顯 福建人 監生

陳養 福建人 監生

陳端 江西豐城人 永樂十二年任

謝伯成 直隸人 監生 永樂十七年任

姜中 浙江遂安人 永樂十八年任

林廷芳 福建莆田人 進士 永樂二十年任

事果斷 宣德二年 丁憂去 民交章留之 六

年復任 八年以事去

陳希律 江西人 宣德四年任 以酷虐免

左重威 江西人 正統元年任

王巽 江西豐城人 正統四年任 酗酒無度

以事免

楊傑 浙江武康人 吏員 正統四年任

吳巽

李欽

戴成學江西吉水人監生景泰四年任性昏  
愚蒞臧半年以罷軟罷

王重江西安福人景泰七年任見名宦

楊懋武昌通川人監生天順六年任次年

丁憂去

陶魯天順七年任見名宦

李憲湖廣棗陽人監生成化七年任

韓昇浙江秀水人成化八年任有政聲

王豫福建龍溪人監生成化九年任

曹偉湖廣京山人監生成化十一年任

丁積成化十五年任見傳

楊如福建松溪人監生成化二十三年任

趙瑩湖廣人監生弘治二年任

陳鎡臨桂人舉人

莫扞廣西南寧人監生弘治六年任



沈 章福建人監生弘治十年任

羅 僑弘治十四年任見名宦

林 齊福建人弘治十八年任

雷世鳴廣西人舉人正德三年任政事滕隴羣小得志見黃印集

徐 乾廣西人正德七年任見名宦

林與韶福建莆田人監生正德十二年任

彭 昉蘇州衛人進士正德十五年任

方 策廣西右衛人進士嘉靖三年任

周 延江西吉水人進士嘉靖七年任見名

宦

吳紹祖廣西桂平人舉人嘉靖七年任

張文鳳直隸常熟人進士嘉靖九年任

陳 豪福建長樂人進士嘉靖十二年任

陳士載福建莆田人舉人嘉靖十八年任

何廷仁江西零都人舉人嘉靖二十年任有

傳

王 交浙江慈谿人進士由給事中謫嘉靖

二十五年任

林騰蛟福建永安人進士嘉靖二十七年任

見名宦

尹 照浙江龍游人舉人嘉靖二十九年任

以賂御史斥去

余 恩四川保寧武籍浙江永嘉人選貢嘉

靖二十一年任

熊 坦湖廣通山人進士嘉靖三十三年任

以清勤著三十六年丁憂去

孫繼武貴州人由舉人嘉靖三十七年任

陳宗虞福建人由舉人嘉靖四十五年任以

憂去

林會春福建惠安人由舉人隆慶二年任陞

戶部主事有傳特祠何熊祥有記

伍 睿廣西全州人由進士隆慶五年任有

築城功有祠有碑有傳

曹學參廣西全州人由舉人萬曆四年任以憂去

袁奎江西豐城人由進士萬曆八年任行取任順天府尹見人物去思有碑

方世義浙江人由選貢萬曆十五年任以改任去

鄧壽鵠廣西全州人由舉人萬曆十六年任以事去

蘇眉山福建人由舉人萬曆十八年任以賊抵罪令香山典史陳大章家人挾銀至江

西清江行賂為巡按御史子覺發移寃去

李自芳江西東鄉人由進士萬曆十九年任自陳改教歷陞汀州府知府

吳瑩然福建澄海衛人由舉人萬曆二十年任左遷去

周道行直隸崑山人由舉人萬曆二十二年  
任以調去

鈕應魁浙江會稽人由舉人萬曆二十六年  
任事見紀年

周思稷貴州貴陽人由舉人萬曆二十九年  
任多善政以遷去

王命璿福建龍巖縣人由進士萬曆三十三年  
任存心不欺立政有體拯民水火曆之

祗席五年之間民安盜息凌雲有塔見龍  
有樓化龍有橋其所以斡旋氣運興起斯  
文又非俗吏所能也以見任法不得書姑  
紀其畧于此云

按梁臨朱明府十謚跋云明府自去新會  
以善最俱著加秩為秋官尚書郎出判松  
江福唐二名郡十謚傳播中外館閣名公  
多題跋表彰之異日史氏有採廉張二公

將不得顯美于前史矣於戲至今朱明府  
并薦張二公之名俱泯泯不見惜哉此誌  
之不可以不作也

熊維鏗江西南昌人由舉人萬曆三十八年

任其畧下

文又非

縣丞

宋

陳景魏福建永春人嘉定初任

游子賢江西上饒人貢士宋末任

明

葉思祖

張善浙江杭州人監生

朱思全浙江金華人

秦昂

陳立湖廣黃陂人

黃華廣西藤縣人監生

林敏順福建福州人監生

梁通祖

王起霖福建人見嶺南聲詩鼓吹

李宏廣西平樂人監生正統六年任

孫以清浙江桐廬人吏員正統七年任

黎澄廣西岑溪人監生正統十年任

劉寬湖廣零陵人監生正統十二年任

林烜福建長樂人監生景泰二年任以事

黜

李永昌湖廣衡州人監生景泰五年任

陶魯景泰五年任見名宦

劉龍福建上杭人監生天順八年任

朱珙江西鄱陽人承差成化三年任

董 濂江西臨川人監生成化五年任

邵文梧浙江臨海人吏員成化九年任

黃 無福建建陽人監生成化十五年任

何 欽廣西太平南北廂人監生成化二十

年任

彭 倫湖廣永興人監生成化二十二年任

林 軫福建莆田人弘治二年任

魏汝賢福建莆田人吏員

黃 雅

彭 鎡湖廣宜章人監生正德八年任

張 鏗湖廣雲夢人監生正德十五年任

周 濟雲南人監生正德十六年任

胡 沛浙江餘姚人監生嘉靖二年任

鄧 竒江西鄱陽人監生嘉靖五年任

盧 環湖廣祈陽人監生嘉靖十三年任

龔 憲湖廣巴陵人吏員

丁元浙江縉雲人監生嘉靖二十一年任

張吉廣西博白人選貢嘉靖二十七年任

陳漢湖廣武岡州人歲貢嘉靖二十九年任

張公顯浙江開化人知印嘉靖三十五年任

黃元肅浙江鄞縣人監生嘉靖三十六年任

祝浩

李浣

黃文獻 萬曆元年任

萬理明 萬曆四年任

曾緝 監生萬曆八年任

彭平珊 萬曆十三年任

程美大江西上饒人 萬曆十四年任

梅僑浙江龍泉人選貢萬曆二十年任

臺灣國家圖書館

NATIONAL CENTRAL LIBRARY TAIWAN R.O.C.

新會縣志

卷之二



謝五福四川巴州人選貢萬曆二十二年任  
蔡道全浙江蕭山人緣例監生萬曆二十七  
年任有清聲陞去

高一元浙江仁和人吏員萬曆三十三年任  
陳伸福建永定人吏員萬曆三十七年任  
王嘉瑞直隸江都人

主簿

宋

李能卿韶州人

元

徐聞可

明

何居敬

黃昭江西人監生